



Posterior Decanatus.





DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono:

QUÆSTIO MEDICA,

QUOD LIBETARIIS DISPUTATIONIBUS
*manè discutienda, in Scholis Medicorum, die Jovis
decima tertiâ Novembris M. DCC. XXXII.*

M. MICHAEL P. COUTO,
Doctore Medico, Præside. *Autore*

An Sanguinis partes tenuiores in venis quam in arteriis.

I.



TEMPORIBUS nostris duo viguere systemata;
fluidorum unum, solidorum alterum. Utrique fa-
vère Doctissimi viri; alii solidis solis, alii solis fluidis,
summam potestatem detulere. Forsitan utrinque
absuit modus. *Ne quid nimis, medium teneas,*
sapè sapius in medio stat virtus. Divisum imperium cum flui-

A

dis solida habeant, absitque inter illa futile de gradu certamen; mittas querere, utrum fluida, utrum solida, regnare incœperint. Alternis ambo dominantur. Hoc suadet simplex machinæ humanæ intuitio. In illâ nil, præter liquores & canales, videre est. Continuo & alterno motu cientur; liquorum adventu dilatantur vasa, vasorum contractione fluunt liquores: vicissim agunt & patiuntur; cedunt & impellunt; movent & moventur.

I I.

INTER fluida corpus nostrum irrorantia, principatum obtinet purpureus latex; in eo cœtera continentur, ipsum concomitantur, inter eundem explicantur; ab ipso tempore & loco, per propria vasa separantur. Indefinenter it, reditque, irrequietus Sanguis. Vita in circulatione posita est. Circulationis causam, ab æquali solidorum & fluidorum vi, mutuo motu repetendam censemus. Oculis patet cordis & arteriarum, sistole & diastole. Nonnullis intestinus sanguinis motus paradoxum videtur, quem si negaveris difficile circularem cursum concipies. Cor musculus est, elasticis sicut & arteriæ constat fibris; sanguinem partibus omnibus suppeditat; sed prius acceperit necessum est. Referenda vasa prius quam obseranda; dilatationem præsupponit contractio, contractionem præcedere debet dilatatio; illius hæc mensura est; qualis hæc, talis illa. Subfultim pulsat cor, pro diversâ fluidi copiâ, pro diversâ crasi variat *systole*; intestino itaque sanguinis motui, aut, *quod nefas*, virtutibus occultis tribuenda *diastole*. Si hujusce motûs principium quæreris scire, ad aëris in sanguine contenti elaterem recurras & memento aërem compressum aëre dilatato fortiolem, quibus positus, explicatû facilis erit microcosmi Mechanismus.

I I I.

SANGUINIS motum internum, *expansivum* appellamus, illum *fermentationem* vocent alii, ludus in verbis. Fibrarum contractionem *triturationis* vocabulo nominare liceat. Hisce titulis *fermentat*, & *tritatur* sanguis in arteriis. Ex arteriis ad venas

provehitur. An eadem ipsi perstet indoles, an aliter sit quam fuerit in corde? quæstio agitur. Quantum mutatus ab illo. Veteres tanta non fugit dissimilitudo, illam, quamvis circulationis, ut veri simile est, rudes & ignari, observarunt; ideòque sanguinem in venis, Spiritum in arteriis collocarunt: verum sensibus delusi, rem in lævam partem detorsere, venarum liquoris partes crassiores credidere. Quin imò nimium ne crede colori. Ingenio utere; rerum extispicia consulito, medicum ratiocinari decet. Ratiocinii fundamentum sint partium structura, & communicationum motus leges; analysi duce ad veritatem pervenies.

I V.

PARTIUM tenuitas à divisione, divisio triturationis & fermentationis opus; cordis & arteriarum fibras totidem molas concipe, hæ sanguinem undequaque premunt, hæ pressione solvuntur vincula quibus simul alligabantur molecule, a se invicem disjunguntur, dividuntur. Non mitius agit fermentatio. Si Chemicorum ideis & imaginibus adhibenda sit fides, quam præceptis sit mixtorum eversio. Ab iis sic depingitur fermentationis excalescentia. Quiescere nescius aer se, intra mixti parietes inclusum ægre patitur. Carcer quantumvis amœnus, carcer est, ingratus & odiosus locus. Quibus constringitur catenas perpetuo nist diffingere nititur. Quid non valet libertatis amor, imperum facit; quo major resistentia eo major imperus: furit, vires adauget furor, tandem omnia ad exitum sibi liberum comparandum prosternt, & funditus evertit. Non tantos tumultus excitat *expansivus* motus. Leviter, blandè, sensim sine sensu amovet & solvit sanguinis partes & juvante tritu, tenuiores reddit. Huic opinioni favet Anatomes, arteriæ in arteriolas intaciles desinunt. Canales liquoribus, liquores canalibus accommodantur.

V.

UNICO solvatur argumento quæstionis nodus. Alternis vicibus premunt & premuntur, tum solida, tum fluida, utrorumque impetûs victima sanguis, ipsi nulla datur requies; suo ipso-

met interno motu agitur, divellitur, fibrarum Compressione, repetitis ictibus, abique ullo intermisſu, in continuo arteriarum tractu teritur. Hinc quid inferre juvat? Quonam pacto adverſus tot molimina ſtare queat ſanguis? num partes integras permanere autumas? eas potiori jure in tenuiſſimum pulverem brevi redigendas cenſeres. Heu, inquis, proxima imminet diſſolutio. Ne formides: pulmones attingit, ibi refrigeratur deſeſſus viator. Ipi ſicut *Antheo* novæ ſuppeditantur vires, quibus novos valeat ſuſtinere labores.

Ergò Sanguinis partes tenuiores in venis quam in arteriis.

DOMINI DOCTORES DISPUTATURI.

<i>M. Achilles - Franciſcus Fontaine.</i>	<i>M. Ludovicus - Maria Pouſſe.</i>	<i>M. Philippus Caron, an- tiquus Facultatis Deca- nus.</i>
<i>M. Joannes-Baptiſta-Lu- dovicus Chomel.</i>	<i>M. Antonius Caſamajor.</i>	<i>M. Alexander - Petrus Mattot.</i>
<i>M. Hyacinthus-Theodorus Baron.</i>	<i>M. Raymundus de la Ri- viere.</i>	<i>M. Petrus - Joannes Bu- rette, Profeſſor Regius, & è Regiâ Numiſma- tum Academiâ.</i>

Proponebat Pariſiis, RENATUS BEGUYER, Andegavus,
Baccalaureus Medicus, A. R. S. H. 1732. à ſextâ ad meridem.